

Pravilnik vođenja skeda Grupacije E7-DeK@ putem SVX-Linka

1. Način vođenja skeda

Vođenje skeda Grupacije E7-DeK@ putem SVX-Linka vrši se prema sljedećem redoslijedu:

1. Prijava početka skeda
Voditelj skeda najavljuje početak skeda, pozdravlja prisutne učesnike i kratko upoznaje sve prisutne sa načinom vođenja skeda.
2. Prijava učesnika i prva relacija
Prilikom prijave učesnika u sked odmah se otvara prva relacija.
Svaki učesnik se prijavljuje svojim kompletnim pozivnim znakom, imenom i lokacijom, te po potrebi može kratko prenijeti osnovnu informaciju ili pozdrav.
3. Tačka Razno
Nakon završene prijave učesnika i prve relacije slijedi tačka „Razno“.
U okviru ove tačke učesnici mogu iznijeti, pročitati ili objaviti važne informacije, kao što su oglasi, obavijesti, izmjene zakona, tehničke informacije, najave aktivnosti i slično (sve u skladu HAM-Spitita).
4. Druga relacija
Nakon tačke „Razno“ otvara se druga relacija, koja je ujedno praktično završna relacija.
Učesnici mogu kratko dopuniti prethodno rečeno ili se završno javiti.
5. Odjava skeda
Nakon završene druge relacije voditelj skeda vrši odjavu skeda, zahvaljuje se učesnicima na učešću i završava sked.

Ovaj način vođenja skeda potrebno je jasno naglasiti učesnicima odmah na početku, jer predstavlja budući način vođenja skeda Grupacije E7-DeK@. Također se svi učesnici mole da se pridržavaju pravilnika i dogovorenih pravila E7-DeK@.

2. Napomene prilikom prijave skeda

Već prilikom prijave i početka vođenja skeda potrebno je jasno naglasiti sljedeće:

1. Sked je rezervisan isključivo za licencirane radioamatere.
2. E7-DeK@ ne vrši linkovanje niti bilo kakvo reemitovanje skeda na drugim frekvencijama.
3. Sked se vodi u ime naše E7-DeK@.

Navedene napomene moraju biti jasno iznesene odmah na početku skeda, kako bi svi učesnici bili upoznati s pravilima učešća i načinom vođenja skeda.

3. Dodatak pravilniku vođenja skeda Grupacije E7-DeK@

Prema pravilima vođenja skeda E7-DeK@, a posebno u skladu s tačkom 1. i tačkom 2. ovog pravilnika, voditelj skeda mora biti isključivo član Grupacije E7-DeK@.

Pripadnici drugih organizacija su u svako vrijeme dobrodošli kao učesnici skeda, ukoliko ispunjavaju uslove za učešće, posebno uslov da su licencirani radioamateri.

Međutim, pripadnici drugih ili sporednih organizacija ne mogu biti voditelji skeda Grupacije E7.

Ovo pravilo potrebno je jasno naglasiti radi izbjegavanja nesporazuma i radi očuvanja pravilnog, jedinstvenog i dogovorenog načina vođenja skeda u ime Grupacije E7-DeK@.

Završna napomena

Svi učesnici skeda mole se da se pridržavaju ovog pravilnika, dogovorenih pravila E7-DeK@, kao i osnovnih pravila radioamaterske komunikacije.

Cilj ovog pravilnika je da se sked vodi jasno, uredno, odgovorno i u skladu s dogovorenim pravilima Grupacije E7-DeK@.